

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo trgovine, turizma i saobraćaja

Broj: 05/1-11-009705-5/24

Tuzla, 08.05.2024. godine

Na osnovu člana 64. stav (1), tačka b), člana 70. stav (3) i (6) Zakona o javnim nabavkama („Službeni glasnik BiH” br. 39/14 i 59/22), i Zapisnika o ocjeni ponuda sa preporukom Komisije za izbor najpovoljnijeg ponuđača, broj: 05/1-11-009705-4/24 od 30.04.2024. godine, ministar trgovine, turizma i saobraćaja d o n o s i:

O D L U K U
O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za javnu nabavku u sklopu Zapisnika o ocjeni ponuda broj: 05/1-11-009705-4/24 od 30.04.2024. godine, da se u cilju odabira najpovoljnijeg ponuđača po provedenom konkurentskom zahtjevu za dostavu ponuda za nabavku usluge organizacije kampanje zaštite potrošača, Ugovor za javnu nabavku dodijeli ponuđaču “Radio Kameleon-Otvorena mreža ljudskih prava i demokratije“ Tuzla, sa sjedištem u ul. Milana Jovanovića br.6, 75000 Tuzla, ID: 4209362150001, sa najbolje ocijenjenom i prihvatljivom Ponudom za predmetnu nabavku usluge, za ponuđenu cijenu od 10.000,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču “Radio Kameleon-Otvorena mreža ljudskih prava i demokratije“ Tuzla, najkasnije u roku od 10 dana, računajući od dana od kada je ponuđač obaviješten o izboru najpovoljnijeg ponuđača.

Član 3.

Ova Odluka objavit će se na web-stranici Ugovornog organa (www.vladatk.kim.ba) istovremeno s upućivanjem primjerka Odluke ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” br. 39/14 i 59/22).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 05/1-11-009712/24 od 17.04.2024. godine. Procijenjena vrijednost javne nabavke je 10.000,00 KM.

Javna nabavka je planirana u Planu javnih nabavki za 2024. godinu, za nabavku usluge organizacije kampanje zaštite potrošača, pod rednim brojem 14.

Javna nabavka je sprovedena putem konkurentskog zahtjeva za dostavu ponuda.

Predviđeno je zaključivanje ugovora sa jednim ponuđačem u vremenskom periodu od 3 mjeseca.

Kriterij za ocjenu ponuda je "najniža cijena" tehnički zadovoljavajuće ponude. Obavještenje o nabavci usluge broj: 698-7-2-11-3-28/24 je objavljeno na Portalu javnih nabavki (www.ejn.gov.ba) od 19.04.2024. godine.

Komisija za javnu nabavku imenovana je Rješenjem broj: 05/1-30-9610/24 od 17.04.2024. godine.

Komisija za javnu nabavku dostavila je Zapisnik sa otvaranja ponuda broj: 05/1-11-009705-3/24 od 30.04.2024.godine, Zapisnik o ocjeni ponuda sa preporukom Komisije o izboru najpovoljnijeg

ponuđača, broj: 05/1-11-009705-4/24 od 30.04.2024.godine u postupku javne nabavke usluge organizacije kampanje zaštite potrošača.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljene ponude i njenu ocjenu, o čemu je sačinila odgovarajući Zapisnik, u kojem je utvrđeno sljedeće:

- U skladu sa provedenim postupkom iz člana 1. ove odluke, svoju ponudu dostavio je sljedeći ponuđač:

1. "Radio Kameleon-Otvorena mreža ljudskih prava i demokratije" Tuzla

Konstatovano je:

- da je ukupno dostavljena jedna (1) blagovremena ponuda,

- da ponuda ponuđača "Radio Kameleon-Otvorena mreža ljudskih prava i demokratije" Tuzla u postupku nabavke ispunjava formalno - pravne uslove u skladu sa Zakonom o javnim nabavkama i konkurentskog zahjeva za dostavu ponuda.

U postupku donošenja ove odluke, posebno su cijenjene činjenice da je Komisija pravilno izvršila ocjenu kvalifikovanosti ponuđača te ocijenila prispjelu ponudu u skladu sa Zakonom o javnim nabavkama („Službeni glasnik BiH” br. 39/14 i 59/22) i kriterijima iz otvorenog postupka. Uzimajući u obzir naprijed navedeno, primjenom člana 64. stav 1. tačka b) Zakona o javnim nabavkama („Službeni glasnik BiH” br. 39/14 i 59/22), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku usluge.

POUKA O PRAVNOM LIJEKU: Protiv ove Odluke ponuđač koji je učestvovao u postupku nabavke može izjaviti žalbu u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa Ministarstva trgovine, turizma i saobraćaja Tuzlanskog kantona, u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Dostavljeno:

1x "Radio Kameleon-Otvorena mreža ljudskih prava i demokratije" Tuzla

1x a/a

